

Канон молебный ко Пресвятой Богородице, поемый во всякой скорби душевной и обстоянии

Творение Феостирикта монаха. Глас 8-й.

Припев: Пресвятая Богородице, спаси нас.

Песнь 1.

Многими содержи́мь напа́стьми, к Тебе́ прибега́ю, спасе́ния иски́й: о Ма́ти Сло́ва и Де́во, от тяжких и лю́тых мя́ спаси́.

Срасте́й мя́ смуща́ют прило́зи, мно́гаго уны́ния испо́лнити мою́ ду́шу; умири́, Отрокови́це, тишино́ю Сы́на и Бо́га Твоего́, Всенепоро́чная.

Песнь 3.

Предста́тельство и покрóв жи́зни моея́ полага́ю Тя, Богороди́тельнице Де́во: Ты́ мя́ окорми́ ко приста́нищу Твоему́, благи́х ви́новна, ве́рных Утвержде́ние, еди́на Всепе́тая.

Молю́, Де́во, душе́вное смуще́ние и печа́ли моея́ бу́рю разори́ти: Ты́ бо, Богоневе́стная, Нача́льника тишины́ Христа́ родила́ еси́, еди́на Пречи́стая.

Тропа́рь, глас 2-й.

Моле́ние те́плое, и стена́ необори́мая, ми́лости исто́чнице, ми́рови прибе́жище, приле́жно вопие́м Ти́: Богороди́це Влады́чице, предва́ри, и от бе́д изба́ви нас, еди́на вско́ре предста́тельствующая.

Песнь 4.

Срасте́й мои́х смуще́ние, Ко́рмчию ро́ждшая Го́спода, и бу́рю утиши́ мои́х прегреше́ний, Богоневе́стная.

Милосе́рдия Твоего́ бе́здну призыва́юще пода́ждь ми́, Я́же Благосе́рдаго ро́ждшая, и Спа́са все́х пою́щих Тя́.

Наслажда́ющесея, Пречи́стая, Твои́х дарова́ний, благодарственное воспева́ем пе́ние, ве́дуще Тя́ Богома́терь.

Песнь 5.

Исполни́, Чи́стая, весе́лия се́рдце мое́, Твою́ нетле́нную даю́щи ра́дость, весе́лия ро́ждшая Ви́новнаго.

Изба́ви нас от бе́д, Богороди́це Чи́стая, ве́чное ро́ждши Избавле́ние, и Ми́р, вся́к ум преиму́щий.

Песнь 6.

23:34:25
Смёрти и тли яко спáсл ёсть, Сáм Ся издáв смёрти, тлением и смёртию моё естество́ ято б́ывшее, Дéво, моли́ Гóспода и Сýна Твоегó, врагóв злодéйствия мý избáвити.

Предстáтельница Тя́ животá вём, и Хранительницу́ твёрду, Дéво, и напáстей решáщу молв́ы, и налóги бесóв отгоня́ющу; и молю́ся всегда́, от тли́ страстéй мо́их избáвити мý.

Конда́к, глас 6-й.

Предстáтельство христиáн непосты́дное, Ходáтайство ко Творцý непрелóжное, не прéзри грéшных молéний глáсы, но предварí, яко́ Благáя, на пóмощь нáс, вёрно зову́щих Тí: ускори́ на моли́тву, и потщíся на умоле́ние, предстáтельствующи прíсно, Богорóдице, чту́щих Тя́.

Пéснь 7.

Нáше спасéние яко́же восхотéл еси́, Спáсе, устро́ити, во утрóбу Дéвыя всели́лся еси́, Ю́же мíру Предстáтельница́ показáл еси́: отéц нáших Бóже, благословéн еси́.

Воли́теля мíлости, Егóже родилá еси́, Мáти Чíстая, умоли́ избáвитися от прегрешéний и душéвных сквёрн вéрою зову́щим: отéц нáших Бóже, благословéн еси́.

Пéснь 8.

Пóмощи я́же от Тебé трéбующия не прéзри, Дéво, пою́щия и превозно́сщия Тя́ во вéки.

Неможéние душí моея́ исцеля́еши, и телéсныя болéзни, Дéво, да Тя́ прослáвлю, Чíстая, во вéки.

Пéснь 9.

Тóка слéз мо́их не отвратíся, Я́же от всякаго́ лицá всяку́ слéзу отъёмшаго, Дéво, Христá рóждшая.

Рáдости моё́ сéрдце испóлни, Дéво, Я́же рáдости приёмшая́ исполнéние, грехóвную печáль потребля́ющи.

Пристáнище и предстáтельство к Тебé прибега́ющих б́уди, Дéво, и стена́ неруш́имая, прибежи́ще же и покрóв и весéлие.

Моли́твы ко Пресвято́й Богорóдице.

Цари́це моя́ преблагáя, Надéждо моя́ Богорóдице, Приятели́ще сýрых, и стран́ных Предстáтельница́, скорб́ящих Рáдосте, обидимых Покрови́тельница! Зри́ши мою́ бедú, зри́ши мою́ скóрбь, помози́ мí яко́ нéмощну, окорми́ мý яко́

23:34:25
страшна. Обиду мою вѣси, разреши ту, яко волиши: яко не имам инья помощи разве Тебѣ, ни инья Предстательницы, ни благія Утѣшительницы, токмо Тебѣ, о Богомати; яко да сохраниши мя и покрѣши во вѣки веков. Аминь.

К кому возопию, Владычице? К кому прибегну в горести моей, аще не к Тебѣ, Царице Небесная? Кто плач мой и воздыхание мое примет, аще не Ты, Пренепорочная, Надеждо христиан и Прибежище нам грешным? Кто паче Тебѣ в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя, Царице Небесная; не отступи от мене, раба Твоего, Владычице, за роптание мое, но буди мне Мати и Заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз, аще не к Тебѣ, упованию и прибежищу грешных, надеждою на неизреченную милость Твою и щедроты Твоя окривляемь? О Владычице Царице Небесная! Ты мне упование и прибежище, покров и заступление и помощь. Царице моя преблагая и скорая Заступнице! Покрой Твоим ходатайством моя прегрешения, защити мене от враг видимых и невидимых, умягчи сердца злых человек, возстающих на мя. О Мати Господа моего Творца! Ты еси корень девства и неувядаемый цвет чистоты. О Богородительнице! Ты подаждь ми помощь немощствующему плотскими страстьми и болѣзнующему сердцем: едино бо Твое и с Тобою Твоего Сына и Бога нашего имам заступление, и Твоим пречудным заступлением да избавлюся от всякия беды и напасти, о пренепорочная и преславная Божия Мати Маріе. Темже со упованием глаголю и вопию: радуйся, Благодатная, радуйся, Обрадованная, радуйся, Преблагословенная, Господь с Тобою.